



ТОШКЕНТ ҲАҚИҚАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган

2002 йил 13 март, чоршанба

№20 (11.408)

Эркин нархда сотилади

РАСМИЙ ТАШРИФ БОШЛАНДИ

Вашингтон. 12 март. ЎзА махсус мухбири Анвар БОБОЕВ хабар қилади.

Кеча расмий ташриф билан Вашингтонга келган Ислом Каримовни АҚШ ҳарбий-ҳаво кучларига қарашли "Эндрюс" авиабазасида Давлат котибининг ўринбосари Элизабет Жоунс ва бошқа расмий ки-

шилар кутиб олди. Мамлакатимиз раҳбари АҚШ Президентининг фахрий меҳмонлар уйи - "Блэйр хаус" қароргоҳига жойлашди. Бугун Ислом Каримов АҚШ Президенти Жорж Буш, давлат котиби Колин Пауэлл ва бошқа расмий кишилар билан учрашади.

(ЎзА).

Ўзбекистон-АҚШ: ҲАМКОРЛИК ИМКОНИЯТЛАРИ КЕНГАЙМОҚДА

37649,1 минг доллар — Тошкент вилояти ва АҚШ ишбилармон доираларининг ташқи савдо товар айирбошлаш ҳажми шунга тенгдир. Бу ҳамкорликни бундан ўн йил илгари нисбатан анча кам маблағ билан бошлаган эдилар. Шундан кейин уларнинг умумий манфаатларига хизмат қилувчи иқтисодий алоқалар мустақамланиб бораверди.

Вилоятимиз корхоналарининг махсулотлари кўпгина АҚШ штатлари бизнес ва истеъмол тизимида кириб борди, Америка тамғаси босилган товарлар ва хизматлар вилоятимизда амалий фаоллигининг муҳим таркибий қисми бўлиб қолди. Буни «Майкрософт» корпорацияси мисолида ҳам кўрсатиши мумкин. Жаҳонда энг йirik ҳисобланган бу корпорация бугунги кунда ўзининг фақат компьютер дастурлари ва «ноу-хау»-си билангина эмас, жаҳондаги илғор таълим тизимлари билан ҳам машҳур. «Майкрософт» сертификати бўлган компьютерчи мутахассис жаҳоннинг ҳар қандай мамлакатига корхонасида интиқил билан кутиладиган ходимдир.

— Яқиндан бошлаб эса, кўпчилик оруз қилган «Майкрософт» сертификатини... Оҳангаронда олиш мумкин, — дейди Ўзбекистон-Америка «Юнайтед консалтинг групп ЛТД» қўша корхонасининг директори Александр Бершадский. — Айнан Оҳангаронда Ўзбекистондаги энг яхши компьютерлар ишлаб чиқарувчи қўша корхона билан бирга америкаликлар ҳамкорлигида мамлакатимиздаги

энг қизиқарли ўқув марказларидан бири барпо этилди. Американинг «Викинг» компьютер фирмаси мутахассислари «Юнайтед консалтинг групп» қўша корхонасини америкача намуна бўйича яратдилар. Янги фирмага нисбатан қўйиладиган талабларнинг биттаси унинг жўрғофияси дир. Компьютер корхонаси унча катта бўлмаган шаҳарда жойлашиши, бироқ бу шаҳар ривожланган инфра-тузилмага эга бўлиши ва йirik санаот марказига яқин туриши лозим. Шу нуқтан назардан Оҳангароннинг танланиши беҳиз эмас. — Аввалга Оҳангаронда юксак малакали мутахассисларни етарлича топиламан, деб бироз иккиландик. Лекин, хавотиримиз беҳуда

(Давоми 2-бетда).

Наврўз таратдуди ЮРТ ОБОДОНЛИГИ ҲАМ МАМИЗНИНГ ИШИМИЗ



Кўклам келиб, дала-боғлар ҳар куни бир чирой очаяпти. Қирларда ашил майсалар буй чўзмоқда. Дов-дарахтлар гулга кириб, барг ёза бошлади. Вилоятимизнинг шаҳар ва қишлоқларида баҳорий бир жонлиши — қиш ғуборларидан тозаланиш палласи ҳозир.

Наврўз кунлари ҳам яқинлашиб қолди. Шу боис кўчалар, майдонлар, хибонларни тозалаш, ховлилар ва хонадонларнинг санитария ҳолатини яхшилашга оммавий киришилапти. Вилоят ҳокимининг фармойишига биноан бошланган «Наврўз — меҳр-саховат ойлиги» доирасида ободонлаштириш ва кўкламзорлаштириш бўйича ҳашарлар ўтказилмоқда.

Ободонлаштириш ва кўкламзорлаштириш ишларига эътиборни янада кучайтириш мақсадида экологик ҳашар ўтказишга қарор қилинди. Экология ва саломатлик кунларининг биринчи босқичи «Наврўз, экология ва саломатлик» шiori остида ўтаяпти. Жамоатчилик, мулк шаклидан катъий назар, барча корхоналар ва ташкилотлар, ҳўжаликлар ва фирмалар,

шаҳар ва туман ҳокимликларини иштирокида ободонлаштириш ва кўкламзорлаштириш, янги боғлар барпо этиш, атроф муҳит тозалигини сақлаш, уни ифослантирувчи ва инсон саломатлигига салбий таъсир кўрсатувчи сабабларни бартараф қилиш мақсадида 16 март куни вилоятимизда ҳашар уюштириш белгилаб қўйилди.

Наврўз байрамига бағишланган экологик ва саломатлик кунлари амалга ошириладиган тадбирлар тасдиқланди. Унинг доирасида кенг жамоатчилик иштирокида йиғилишлар, учрашувлар, танлов ва экологик фестиваллар ўтказиш кўзда тутилмоқда. «Экосан» жамғармаси, вилоят табиати муҳофазаси қилиш қўмитаси, давлат санитария-эпидемиология назорати маркази мутахассислари иштирокида шаҳар ва қишлоқларнинг санитария ва гигиена аҳо-

16 март куни вилоятимизда умумхалқ ҳашари ўтказилди

ни яхшилаш бўйича рейдлар ўтказиш мўлжалланмоқда. Шу ойлик мобайнида ўқувчилар ўртасида «Томиқ сув — ҳаёт жилваси» кўрик-танлови ўтказилди. Умумтаълим мактабларида «Табиятнинг севмоқ — Ватанини севмоқдир» шiori остида кўрик-танлов ва кўргазмалар ташкил этилади. Вилоятимиз вакиллари «Инсонпарварлик ва экология» мавзусидаги халқаро конференцияда иштирок этишди.

Вилоятда санитария-эпидемиология вазиятини янада яхшилаш, шаҳар ва қишлоқларда кўкламги ободонлаштиришни ташкил этиш тадбирлари ҳам тасдиқланди.

Умумхалқ ҳашаридан тушган маблағ ёки жамоа қарорига биноан бир кунлик иш ҳақи «Маҳалла» хайрия жамғармасининг вилоят бўлими ва унинг жойлардаги бўлимлари ҳисоб рақамларига ўтказилди. Тошкент вилоят «Маҳалла» хайрия жамғармасининг ҳисоб рақами ва манзилини эслатиб ўта-миз: **Тошкент шаҳар, Хоразм кўчаси, 51-уй, Тел.: 133-61-75. Ҳисоб рақами 20212000900132942001, МФО 00454. Тошкент вилояти «Пахтабанк» ИНН 200548395.**

ЎН ТўРТТА МАЖМУА ИШГА ТУШАДИ

Янгийўл шаҳрида ҳам Наврўз байрамини муносиб кутиб олиш таратдуди қизгин бошлаб юборилди. Шаҳардаги барча корхона, ташкилот ва муассасаларда ҳамда маҳаллаларда айни пайтда ободонлаштириш, мезали ва манзарали дарахтлар кўчларини экиш ишлари белгиланган режа асосида олиб борилаётир. Маҳалла оқсоқоллари, уй-жой ширкатлари аъзолари иштирокида кўп қават-

ли уйлarning ташки кўриниши, йўлакларини, кўчалар, хибонлару майдонлар тартибга келтириляпти, ниҳоллар ўтказиляпти. Шунингдек, Наврўз шодиёнаси ўтказиладиган майдонни ҳам таъмирлаш, безатиш ишлари олиб бориляпти. Энг муҳими, шаҳарда Наврўз шодиёналарига ўн тўртта мажмуа қурилиб фойдаланишга топширилади, шунингдек қўлаб иншоотларни таъмирлаш ҳам кўзда тутилган. **Ақбар АЛЛАМУРДОВ, «Тошкент ҳақиқати» мухбири.**

НУРОНИЙЛАРГА БАЙРАМ СОВҒАЛАРИ

Янгийўл туманида яшовчи 100 ёшдан ошган 19 нафар мўътабар отахон ва онахонларга Наврўз байрами муносабати билан совғалар топширилди.

Кексалар кўнглини шод этиш, хolidан тез-тез ха-хокими муовини, хотинбар олиш энг улғув савоб ишлардан. Ташрифдан кўн-гиллари кўтарилган азиз боболар ва момолар юртга тинчлик, элға фаровонлик, ёшларга бахт-саодат тилаб, дуо қилдилар. Байрам тухфаларини туман қўмитаси раиси Башир Рахимқулова, «Нуроний» ҳамда «Маҳалла» жамғармалари туман бўлимлари вакиллари элиб бердилар. **Ўз мухбиримиз.**

Танлов БАЛЛИ, РАИСЛАР

Янгийўл туманидаги Гулбахор санаот касб-хунаро коллежининг муҳташам катта залида «Балли, раислар!» кўрик-танлови вилоят босқичи гoliбларининг беллашуви бўлиб ўтди.

Тадбирда туманлараро босқичларда гoliб чиққан беш нафар ширкат ҳўжаликлари бошқаруви раислари қатнашдилар.

Тадбир иштирокчиларининг биринчи ўринга муносабати топилган паргентлик Абдурахим Алматовдан атиги бир балл орқада қолгани ҳам фикримизга далил бўла олади. Учинчи ўрин эса, янгийўллик раис Баҳодир Туревга насиб этди. «Балли, раислар!» кўрик-танловининг гoliби Абдурахим Алматов хомий ташкилотларнинг эсдалик совғалари ҳамда телевизор билан мукофотланди. Энди у республика танловида қатнашиди, вилоятимиз шарафини химоя қилади. **Шавкат ҚУЛИБОВЕВ.**

Халқ депутатлари Тошкент вилояти Кенгашининг ҚАРОРИ
ИККИНЧИ ЧАҚИРИҚ ХАЛҚ ДЕПУТАТЛАРИ
ТОШКЕНТ ВИЛОЯТИ КЕНГАШИНИНГ XI
СЕССИЯСИНИ ЧАҚИРИШ ТўҒРИСИДА
Ўзбекистон Республикасининг «Маҳаллий давлат ҳокимияти тўғрисида»-ги Қонунининг 17-моддасига биноан қарор қиламан:
Иккинчи чақириқ халқ депутатлари Тошкент вилояти Кенгашининг XI сессияси 2002 йил 15 март куни соат 10.00да Тошкент шаҳрида чақирилсин.
Вилоят Кенгашининг Раиси
У. МИРЗАҚУЛОВ.
2002 йил 7 март.

УЛАРИНИНГ ҲАМ ҲИССАСИ Бўлади

«Нуроний» жамғармаси Қибрай тумани бўлими фаолларининг барча фидойи инсонлар, фаоллар ва раҳбар ходимларга муражаати эълон қилинди. Муражаатда Қариаларни қадрлаш йили муносабати билан Туроб Нормухамедов номили ширкат ҳўжалиги худудидидаги 37-ўрта мактабининг эски биноси ўрнида киши спорт зали ва чўмилиш хавзасига эга бўлган янги мактаб биноси қурилишига ҳисса қўиш таклифи ўртага ташланган. Қариалар, айниқса, «Маданият» ширкат ҳўжалигида 40-ўрта мактабининг янги биносини, «Байтўғрон» ва «Лимончилик» ширкат ҳўжаликларида эса гузарлар барпо этиш ҳақидаги ташаббусларни ҳам қўллаб-қувватладилар. Шундай қилиб, қибрайлик кексалар ташаббуси билан қурилиш ташкилотлари дастлабки қурилиш ишларини бошлаб юбордилар. **Абдухамид ФОЗИЛОВ.**



БУ ҚОРЛАР ТАБИАТ ҲАЗИЛИ ЭМАС

иклимий пасайиш йиллари совуқ неча даражагача тушганлигини айта оласизми? — Албатта. Умуман олганда, март ойида ҳароратнинг ўртача 3-4-5 даражагача совуши аънавий тус олган. Юз йилликдан ортиқ муддатдаги кузатувлар натижаларига кўра, Тошкентда гоҳида ҳарорат анча паст қолган йиллар ҳам бўлган. Чунончи, 1933 йилнинг 12 март куни кечаси хаво 16,9 даражагача совуб кетган. 1972 йил 21 мартда эса совуқ 13,7 даражагача етган. — Март ойида кунларнинг иссиқлик даражаси қанчагача кўтарилиши мумкин? — Бу йил 5 март куни

қасблар билан прогностик маълумотларни мунтазам алмашиб борамиз. Ҳар куни бир неча марта космик йўлдош орқали булутларнинг тасвирини олиб тура-миз. Об-хаво маълумотларини тайёрлашда улар катта ёрдам беради. Яна бир асосий манба борки, у ҳам ер юзидидаги климий ўзгаришларни олдиндан аниқроқ айтиб беришда муҳим ўрин тутди. Мен ҳар ўн соатда ҳақиқий об-хаво маълумотини олиб туришимизни назарда тутаяман. — Пировардида яна бир савол! газетхоналаримизга яқин кунларда об-хаво қандай бўлишини айтиб берсангиз. — Хавонинг ўзгариб туриши, ёгингарчилик бўлмаслиги қутиляпти. Фардан секундига 7-12 метр тезликда шамол эсиб, айрим жойларда унинг тезлиги 15-20 метрча етиши мумкин. Кечаси ҳарорат 0-5 даража илқ, кундузи 8-13 даража иссиқ бўлади. Айрим жойларда тунги совуқ икки даражагача пасайиши мумкин. Кундуз кунлари ҳарорат 8-13 даражагача кўтарилиши қутиляди.

мураккаблигини таъкидламоқчиман. Ҳатто бир кунлик маълумотларини бериш кийин. Шунинг учун ҳам, бу соҳада халқро ҳамкорлик зарур. Мамлакатимиз бундай ҳамкорликни кенг йўлга қўйган. Биз Москва, «Европа-Марказ» ва Вашингтондаги ҳам-




«Тошкент ҳақиқати»га жавоб берадилар «СУВНИ ҲОЗИРДАН ТЕЖАМОҚ ЗАРУР»

Газетанингу шу йил 2 март сонида юқоридаги сарлавҳа остида чоп этилган мақолада вилоятнинг бир қатор туманлари, жулладан, Оққўрғон туманида ҳам мавжуд суғориш шахобчаларини кўкламги экиш мавсумига сифатли тозалаш ва тартибга келтириб қўиш ишлари пайсалга солинаётгани аниқ рақам ва далиллар асосида танқид қилинган эди. Тахририят ушбу мақола юзасидан Оққўрғон тумани ҳокими Абдуғани Деҳқонбоевнинг имзоси билан жавоб хати олди. Унда маълум қилинишича, танқидий мақола туман штабининг қишлоқ ва сув ҳўжалиги бошқармаси мутахассислари, тармоққа алоқадор бошқа ташкилотларнинг раҳбарлари ва ҳўжаликлар бош мутахассислари иштирокидаги йиғилишида атрофлича муҳокама қилинди. Белгиланган муддатда чўзиб юборилган ҳўжаликлараро зовурларни механизмлар билан тозалаш топширигининг ижросини имкони борича жаддалаштириш чора-тадбирлари белгиланди. Чунончи, жалб этилган экскаваторлар сони 7тага, ҳўжаликларнинг ўз техникасини қўиш ҳисоблаганда эса, 17тага қўйайтирилди. Қурилган ушбу чораларнинг самараси ўлароқ топшириқнинг қолган қисмини 15 мартдан кечиктирмай бажариши имконияти яратилди. Мақолада келтирилган камчиликларга йўл қўйганини учун Тошкент вилояти гидрогеология мелиоратив экспедицияси туман бўлими бошлиғи Абдулла Ортиқов эғаллаб турган вазификан овоз этилиб, ўрнига олий маълумотли, шу соҳа мутахассиси Фарҳод Музаффаров тайинланди.

Ўзбекистон-АҚШ:

ҲАМКОРЛИК



ИМКОНИЯТЛАРИ КЕНГАЙМОҚДА

бўлиб чиқди. Ҳозир қўшма корхонамиздаги барча ишчи ўринлари тўла банд...

ридан бошлаймиз. Аммо, мамлакатимиз ишлаб чиқаришнинг янги, янада юқори даражага кўтарилши...

яни кўринишдаги банкларни ишлата бошладик. Шу тўғрисида 2002 йилда маҳсулотни экспорт қилишни...

қдан олиб келинаётган импорт уй жиҳозларига нисбатан ўн баробар арзонлиги билан ҳам ажралаб туради...

Корхонада ишлаб чиқариш фарб андозалари бўйича ташкил этилган. Бутовчи қисмларнинг қайси мамлакатдан келиши муҳим эмас...

— Пенсильваниядаги «Бри» фирмаси бизнинг ҳаммуассисимиз бўлди. Бу мева-сабзавот маҳсулотларини машҳур ишлаб чиқарувчиси ҳамда ниҳоятда қизиқарли технологиялар соҳибидир...

Хисоботларнинг қуруқ рақамлари иқтисодий аҳолини доим аниқ кўрсатавермайди. Истиқболлар иш столи атрофидаги музокараларда, амалий ташрифларда, семинарларда белгиланади...

Умуман, вилоятимизда америкалик тадбиркорлар билан биргаликда ташкил этилган қўшма корхоналар сонини 12тага етди. Яна бир қанча шундай корхоналарни тадбиркорлик тузилмасидир...

Бугунги кунда Ўзбекистонда Охангарондаги «Майкрософт» сертификатини олган эликча яқин киши бор. Хусусан, бир неча чет элликлар ҳам мазкур қимматли ихтисос шаҳодатномасини...

— Муваффақиятга эришишни истасанг, бир жойда жим ўтирмай доим ҳаракатда бўлиш керак, — деб ҳисоблайди М. Халилов. — Бозор иқтисодиёти талаби шундай. Унинг асосий қонуни бу...

Қоида бўйича Америка бизнеси маблағни энг истиқболли тармоқларга қўяди. Бизнинг оқеаноти ҳамкасбларимиз мебел ишлаб чиқариши шундай соҳа деб биладилар...

Мамлакатимиз қишлоқ хўжалигида иқтисодий ислохотларни чуқурлаштириш дастурини янада охиришга алоҳида эътибор қаратилган. Бунда галла экинлари етиштиришда агротехникавий тадбирларни ўз вақтида ўтказиш билан бир қаторда бегона ўтларга қарши курашни ташкил этишни кучайтириш асосий вазифалардан бири сифатида белгиланган...

Мамлакатимиз қишлоқ хўжалигида иқтисодий ислохотларни чуқурлаштириш дастурини янада охиришга алоҳида эътибор қаратилган. Бунда галла экинлари етиштиришда агротехникавий тадбирларни ўз вақтида ўтказиш билан бир қаторда бегона ўтларга қарши курашни ташкил этишни кучайтириш асосий вазифалардан бири сифатида белгиланган...

БЕГОНА ЎТГА ҚАРШИ САМАРАЛИ ВОСИТА

Фан — қишлоқ хўжалиги

Тажрибадан маълум бўлишича, мазкур препарат бошқоқ дон экинлари ва маккажўхориға зарар етказувчи бегона ўтларга қучли таъсир этади. Бу воситадан самарали фойдаланиш бегона ўтнинг тури, қалинлиги, ривожланиш даври, тупроқ ва иқлим шароитини ҳисобга олишни тақозо этади...

Олимларнинг Сирдарё, Жиззах, Тошкент ва Наманган вилоятларида ўтказган тажрибаларидан маълум бўлишича, янги препаратдан фойдаланиш хосилдорликни гектарига 3-5 центнер ошириш имконини беради.

Баҳор ХИДРОВА, ЎЗА МУХБИРИ.

Мардлар кўриқлади Ватани

ЁШЛАР БЕЛЛАШДИЛАР



Мудофага кўмаклашувчи «Ватанпарвар» ташкилоти вилоят кенгашининг ташаббуси билан 10-март кун Чирчиқ шаҳридаги Жалолиддин Манғуберди номидаги спорт мажмуаси ва Чирчиқ автомобил мактабининг ўқув-машқ майдонида баҳор байрами — Наврўзга бағишлаб, ёшлар ўртасида спортнинг техник ва амалий турлари бўйича вилоят биринчи спартакиадаси бўлиб ўтди.



Бунда вилоятимизнинг шаҳар, туманларидан ва Тошкент шаҳридан жами 33 жамоа иштирок этди. Улардан 7таси автомактаблар курсантларининг жамоаларидир. Иштирокчилар мерганлик, варрак учирини, ёғи биатлон ва авиомодел спорти турлари бўйича, ҳаво жанги мусобақаларида куч синашдилар. Автомактаб курсантлари эса, 3 километрга югуриш, йўл ҳаракати қоидалари, автомобилнинг тузилиши ва уни бошқариш бўйича беллашдилар.

Ғолибларга ташкилотчилар томонидан фахрий ёрликлар ва қимматбаҳо совғалар топширилди.

Қамолитдин АСҚАРОВ, СУРАТЛАРДА: спартакиадан лавҳалар.

Владимир ПОРТНОВ олган сурачлар.

Шундайлар бор бўлсин

АҲИЛ ЖАМОАНИНГ ИБРАТЛИ ИШЛАРИ

Раҳбар ҳар кунги одати бўйича ишга соат етти бўлмаёқ келди. Тунда ташвирланган нон ва нон маҳсулотлари сифатини кўздан кечирди. Тарқатувчидан бугунги кунга қердан қанча буюртма олингани билан қизиқди. Ишининг боришда кўнгли тўлиб, ҳеҳдан чиқибётганида саватларга нон тахлаётган ишчиға кўзи тушди.

«Яхши йигит экан, оғир-бо-сиқ, меҳнатдан бошқани билмайди» ҳаёлидан ўпкади Тохир Барқаров. Уни ўтган йили корхона яқинидаги маҳалла оқоқоқининг тавсияси, ҳам илтимоси билан ишга олган эди. Ҳеч кими йўқ экан. Қисқа фурсатда жамоада ўз ўрнини топти. «Келажакда яхши новобий чиқди» ундан, деган фикрга келди раҳбар. Бурилиб, у томонга қараб юрди. — Ҳорма, Умиджон, чарқамдинингми? — суради у. — Буюрт-мелар кўй экан, дам олишға вақт ҳам бўлмагандир. — Ассалому алайкум, — бошини кўтариб раҳбарға ўғирлиди У.Ғуломов. — Раҳмат, толик-қаним йўқ. Одамларға ризқ-насиба тайёрланганидан жойида ишлаган одам чарқамас экан. Қай-танга ҳаракат қилганим сайин ризқим енгиллашади. — Барқаров. Фақат тўй олганидан ортинча урнима дейман-да, — ҳазиллашди бошлиқ. Йигит қизариб бошини эгди. Директор сўзида давом этди: — Худо ҳоқласа тўйинини яхшилэб ўпказамиз, ҳеч ташвишланма. Бу ёғини бизға кўйиб бер...

қатилди. Шунингдек, тумандаги ниқоҳ тўйлари мустақиллигимизнинг ўн йиллиги нишонланган улғу айём кўнларига бўлиб ўтди. Унинг қироили, файлиси, кўнлидагидек ўлши уун корхона ишчи-хизматчилари сидқидилдан хизмат қилишди. Тўйға кетадиган ун, гуруч каби масаллиқлар корхона хисобидан бўлди. Нон-ғиёб берилди. Тўйғага гилем, кам-қўстларингта ишлатасиз, деб пул берилди. Муқаддас китобларда мискинлар кўнлини шод этмоқ, кўмакка муҳтоқларға ёрдамлашмоқ, ўзгалар мушкулчи осон этмоқ энг улғу савоб ишлардан, дейилган. Беҳадд шўрлар бўлсэки, меҳр-оқибатли халқимиз. Бир бурдадан берса тўйдирэди, деганларидек, ниқоҳ кэчасига ёзилган дастурхон нознеъматларға тўлди. Унинг савобига жамиятимизда яна бир оила юзаға келди. — Инсонларға меҳр-муруватли бўлиш, кескеларға, моддий томондан қийинчиган инсонларға қўлимиздан келганча ёрдам кўрсатиш бизда одат тусига айланган, — дейди корхона ишлаб чиқариш бўлими мудири Ҳафиза Холметова. — Жамоамиз аъзоларини иқтисодий Ҳимоя қилиш билан бирға ўзгалар ҳолидан ҳам вақти-вақти билан ҳабар олиб туришимиз. Масалан, давлатимиз мустақиллигининг ўн йиллиги мубосабати билан бешта оилаға 20 миңг сўмдан пул тарқатилди. Шунингдек, тумандаги ниқоҳ тўйлари жамиятини, ўн нафар фарзанди бор, ҳам таъминланган бир оилани бепул нон билан таъминлаймиз. Яна бир ибратли томони бу ерда ишловчилар унумли меҳнат қилиши, саломатлигини мустаҳкамлаши уун яратилган имкониятлардир. Корхонада иш ўч сме-нада ташкил этилган. Ҳар сме-нада ишчилар бепул овқат билан таъминланади. Агар бирон киши касалхонаға тўхса, дори-дармон харажати корхона хисобидан қопланади. Жамоа аъзоларининг 60 фоизини хотин-қизлар ташкил этади. Кўп болали оналарнинг ҳафталик иш вақти бир соатта қисқартирилган. Зарур пайтда моддий ёрдам олишади. Уртача ойлик 17-19 миңг сўм. Меҳнатқашларға кўрсатилаётган гамхўрликлар, қилинаётган савоб ишлар корхона даромадиға барака киритяпти. Масалан, 2001 йилда олинган соф фойда қарийб ўн миллион сўмға етди. Ҳумладан, нон ва маҳсулотлари, макорон, алкоғолсиз ичимликлар ҳамда музаймоқ ишлаб чиқариш режалари ортинчи билан адо этилди. Инсон яралибдики, нон сув каби унинг уун энг азиз неъмат одам ҳаёт манбаи. Кўниға уйимизда неча марта дастурхон ёзилмасин, унга аввало нон қўйилади. У шундай муъжизаки, ҳеч қачон одам меҳдасига тегмайди. Қиши хуш кўрган таомини икки, бориники, ун кун тановул қилса, маълум муддат унга иштаҳаси бўлмайди. Аммо нон ундай эмас. Ушбу корхонада ана шундай азиз, егулғуни тайёрловчи касбига фидойилар меҳнат қилишади.

Равшан БОБОМУҲАМЕДОВ, «Тошкент ҳақиқати» мухбири.

Бугуннинг гапи

Ғалла ўғитга тўйса, сувға қонса,

мўл ҳосил тўқади, омборлар донға тўлади. Бунинг учун ҳозир ҳар бир кунни ганимат билиб, кузги бугдойнинг ўғитини вақтида бериш ва сугориш зарур. Афсуски, айрим хўжаликларда бунга амал қилинмаяпти

кузатув ва амалий синовлардан сўнг кузги ғаллани асосан машина терими ўтказилган пахта майдонларига эҳкан маъкул деган хулосаға келди. Бунда биринчидан, бар-вақт экилади, иккинчидан эса, ғузғаға берилган ўғитларнинг қуввати хали қисман сақланган бўлиб, эндиғина униб қоракан ғалла майсалари учун керакли озуқа бўлади. Шу боис ҳар йили 70-80 фоиз ғаллани шу йўл билан екалик раҳбар ва мутахассислардан тегилши хулоса чиқариш-мапти деган фикрга келдик. Чўнки, айрим майдонларда гектарлар тўлик эмас, кўчат сийрак, ҳатто, уруғлик униб қиммаган ола жойлари ҳам қўллаб қўзға ташланади. Хусусан хўжалиқнинг Қўштепа

Дори-дармон зарарсиз бўлсин

кидлаш жоиз. Биз ғаллазорларни айланганимизда, хусусан Қодиров номи ва Навоий номи хўжаликларда ана шундай майдонларға дуч келдик. Дарвоқе, бу икки хўжалик ўтган мавсумда ҳам ғалла етиштириш режаларини бар-бод қилди. Масалан, Қодиров номи хўжаликда гектаридан режадаги 33,1 центнер ўрни-ға 27,3 центнер ҳосил олинди. — Туманимизда ғалла ҳосилдорлиги барқарорлашгани беғиз эмас, — дейди қишлоқ ва сув хўжалиги бошқармаси бошлиғи Хушвақт Широнов. — Биз кўп йиллик

ва Қоровултепа участкаларида айрим майдонларда ғалланинг аҳоли яхши эмас. Тўғри, 200 гектар атрофидаги ана шу қартиларға насосларда сув чиқарилади. Аммо бу ғалланинг сийрак унғилиғи учун узр-ли сабаб бўлмаслиғи лозим. Ҳамон экин режаға мувофиқ жойлаштирилди, демек қадай йўл билан бўлмасин сув таъминотининг иложини қилиш керак эди. Афсуски, раҳбар ва мутахассислар насосларнинг эскириб кетгани, эҳтиёт қисмларнинг топиламлиғини баҳона қилиб, кузги ишловни ўрни-ға қўя олмадилар. Бундан ташқари пахта майдонларига экилган ғаллазорлар кузда ғузғаподдан тозаланади. Қишда ҳам бу ишға эътибор қаратилмайди. Қолган ишға қор ёғар, деганларидек, бу муҳим тавбир ҳамон ўлда-жўлда. Туман ҳокимлиғига берилган маълумотға қараганда кўниға 130 киши ғаллазорни ғузғаподдан тозалашда банд эмиш. Аммо биз 6 март кун хўжалик далааларини айланганимизда ғузғапод юлётган бирор кишини кўрмадик. Холбуки, режадаги 775 гектар ғалланинг 730 гектари ғузға орасига экилган. Қўнлик сураёт юқоридегидек бўлса, шунча майдондаги ғалла ғузғаподдан қачон тозаланади? Бундай хўжаликлар нафақат ўз тумани, балки бутун вилоятни ҳам орқаға тортади, албатта. Кўклам серёгин келиб, илиқ кўнлар кўп бўляпти. Бу ғалланинг Ҳадемай тезлаштирилмоқда. Ҳадемай, бугдойзорларға қирми бўлмай қолади. Шундай экан бугунги кулай об-ҳаво шароити юқоридиға каби айрим боқибегам раҳбарларни масъулиятға ундаши ва улар чапа қолган ишларни зудлик билан амалға ошириш чораларини кўришлари лозим. — Абдусамед ЙЎЛДШОВ, «Тошкент ҳақиқати»нинг махсус мухбири.

Назозат УСМОНОВА, ЎЗА МУХБИРИ.

Асосий қонунимизни ўрганамиз

ҚОМУСИМИЗ — БАХТИМИЗ

46-модда. Хотин-қизлар ва эркеклар тенг ҳуқуқли- дирлар. Ўзбекистон Республикаси Конституцияси ин- сон ҳуқуқлари ва эркинликлари борасида БМТнинг 1948 йилда қабул қилинган «Инсон ҳуқуқлари умумжаҳон декларацияси»да қайд қилиб ўтилган қондаларни асосий тамойил сифатида қабул қилди.



Ўзбекистон Республикаси ҳозирги кунда инсон ҳуқуқ ва эркинликларини ҳимоя қилиш соҳасидаги 60 дан зиёд халқаро-ҳуқуқий ҳужжатларга имзо чеккан. Айни пайтда БМТнинг инсон ҳуқуқлари соҳасида 80 га яқин конвенцияси мавжуд. Бугунги кунда жаҳонда 300 дан зиёд ҳужжат инсон ва фуқароларнинг ҳуқуқи соҳасидаги халқаро-ҳуқуқий ҳуж- жатларнинг тизимини ташкил этади. Улар- нинг аксарият кўпчилиги қисми БМТнинг хал- қаро-ҳуқуқий ҳужжатларидан иборат.

Хотин-қизлар ва эркеклар тенг ҳуқуқлиги- ги талабининг Конституцияга киритилиши муҳим асосга эга, чунки БМТнинг 1979 йл- даги «Аёллар ҳуқуқларининг барча турлари- ни камситишга барҳам бериш тўғрисида»ги Конвенцияси талабларига қўра «Давлатлар ў- ларнинг конституцияларида жинсий тенг- лик тўғрисида алоҳида қондалар киритиш- лари зарур».

«Ўзбекистон флораси аниқлагичи»

Фанлар академияси «Ботаника» илмий-ишлаб чиқариш бирлашмаси марказий гербарий лабо- раториясида ер юзининг турли бурчакларидан кел- тirilган бир миллиондан зиёд ўсимлик нусхалари сақланади.

Кейинги йилларда олиб борилган тадқиқотлар асо- сида мазкур гербарийни за- монавий тизим негизига бир- лаштириб, икки томли «Ўзе- бекстон флораси аниқлагичи»- ни яратишга киришилди.

Аёллар меҳнатини қўлланиш таъқиқла- надиган, меҳнат шароити ноқулай бўлган ишларнинг рўйхати ҳамда улар кўтариш- лари ва ташишлари мумкин бўлган юк меъ- ёрларининг чегараси Ўзбекистон Республика- си Меҳнат вазири ва Соғлиқни сақлаш вазири, Ўзбекистон Касаба уюшмалари федерацияси кенгаши ва иш берувчилар вакилларининг маслаҳатини олган жолда тас- диқланади.

УСТОЗЛАР САБОҚ ОЛИШДИ

Вилоятимизда фаолият кўрсатаётган касб-хунар коллежлари ўқитувчилари Мирзо Улугбек номида- ги Ўзбекистон Миллий университети ҳузуридаги Олий педагогика институтда уюштирилган ўқув курсида ўз тажрибалари билан ўртоқлашдилар.

Педагогика, информатика, «Инсон ва жамият», «Ўзбеки- стон тарихи» фанлари бўйича уюштирилган машғулотларни малакали педагог олимлар

олиб боришди. Илгор педагогик техноло- гияларни мукамал эгаллаб олган ўқитувчиларга серти- фикатлар топширилди.

САРТАРОШЛИК ОЧИҚ ДАРСИ

Қибрай туманидаги Чингелди касб-хунар кол- лежида 9та ихтисослик бўйича ўқув-амалий маш- гулотлар олиб борилмоқда.

Машғулотлар яхши жи- ҳозланган физика, кимё, биология, радиоэлектроника, электроника кабинетла- рида ўз касбининг моҳир усталари томонидан уюшти- рилмоқда. Шу сабабли ҳам бу коллеж фаолияти вило- ят бўйича намунали деб то- пилди.

Моҳир уста-педагог Мало- хат Назарова томонидан сартарошлик санъати очик дарсини яхши баҳоладилар.

Шунингдек, радиоаппа- ратларни сошлаш, ошпазлик маҳоратига доир амалий са- боқлар ҳам кўпчиликда қизиқиш уйғотди.

Акбар АЛИЕВ.

Кичик корхоналарда

ТУМАНДА ЯГОНА

бир тонна ун тортиляп- ти. Энг муҳими, янги ишчи ўринлари барпо

Қуйчирчиқ тумани- даги «Насиб» хусусий фирмаси ўтган йили фойдаланишга топши- рилган бўлиб, уни тад- биркор Фозил Йўлдо- шев барпо этган эди. Бу ерда қимматли ёпилги — тўл ишлаб чи- қариш йўлга қўйилди. Буюртмалар кўпайган сари уларнинг ҳажми ҳам орта бошлади.



Фирма бундай махсу- лотнинг янги турларини ҳам ўзлаштира бошла- ди. Чунончи, тегирион қад кўтарди. Унинг ёрдами билан қунига

этиляпти. — Истёмоқ бозори талабларини ўрганиб миҳ ишлаб чиқаришни йўлга қўйишни режа- лаштирдик, — дейди фирма раҳбари. — Ту- манимизда бундай кор- хона йўқ. Бунинг учун асбоб-ускуналарни Гер- маниядан келтирмоқчи- миз. Унга ҳам тайёргар- ликни бошлаб юбордик.

СУРАТЛАРДА: илгор ишчи Нурбек Уролов тўл тайёрлаш жараёнини бош- қармоқда (чапда); иш юртувчи Абдуваҳоб Бол- табоев маҳсулот сифати- ни текширмоқда. Даврон АҲМАД олган суратлар.

ХАЛҚАРО ҲАЁТ

Яқин икки-уч йил ичи- да Россия галла етиш- тиришни 90 миллион тон- нагача етказмоқчи. Маилла- кат қишлоқ ҳўжалик соҳа- сининг раҳбари Алексей Гордеев 2002 йил дек- кончиликдаги тангликини бартаф этиш марраси бўлиб қолади, деди.

«Ташаббус-2002» ғолиблари

Махсулот республикамизда умуман чиқарилмайдими. Бундай мақсадга қаратил- ган ишлар кейинчалик ҳам давом этади. Чунки бугунги тадбиркор доим келажакни олдиндан кўриши, тинмай изланиши, янгиликка интилиши, ташаббус кўрсатиши, халқимиз қорига ярайдиган ишларни мутаассил олиб бориши, Ватанимиз раванқи, халқимиз фаро- вонлигига эгизна бўлса ҳам ҳисса қўлиши иштиёқи билан тўлиб-тошиши лозим. Бунинг учун ҳамма шароит ва имкониятлар муҳайё қилинган. Фақат сендан ҳаракат керак. Жамоамиз кўраётган фойда асосан ишлаб чиқаришни ривожлантириш мақсадида сарфлан- япти. Бундан ташқари, муайян қисми хайр-эхсон, муруват ишларига ҳам ажратилапти. Хали бир марта сифат масаласида муаммо бўлмаганини мамнуният билан айтгим келади.

Атроф муҳит мусарфолиги ва саломатлик

БМТ томонидан Рио-де Жанейрода 1992 йил ат- роф муҳит ва барқарор ривожланиш масалала- рига бағишлаб ўтказил- ган анжуманида «XXI аср кун тартиби» тадбирлар режаси қабул қилиниб, иккинчи ўзгариши ва би- охиликни сақлашга қаратилган муҳим халқ- аро конвенциялар қабул қилинган.

«Ташаббус-2002» кўрик-танловининг вилоят босқичида тадбиркорлик йўналиши бўйича би- ринчи ўринга «Зукко» маъмулияти чекланган хусусий жамиятини лойиқ деб топдилар. Бу «Зук- ко» жамияти раҳбарининг узқолигини тен олиш эди. Қуйида муҳбиримиз Мирсобир Мирҳами- довнинг шу қорхона раҳбари Л. Қаймонова билан суҳбати берилляпти.

— Лазоқат Худоёрова, «Зукко» кичик қорхонасининг барпо этилиши, унинг бозор иқтисодиёти шароитла- ридида дастлабки одимлари қандай бўлганлиги, бу йўлда дуч келинган муаммо- лар ва уларнинг қан- дай ҳал қилинганлиги ҳақида гапириб бер- сангиз.

— Марҳамат. Гемато- ген, оддий қилиб айтган- да, қондор деб аталувчи бундай махсулотни ишлаб чиқаришни ташкил этиш мақсади шунчалик туғилмади. Оиламиз аъзолари озик-овқат сановати мутахассислари ҳисобланади. Узим эса, бу тармоқда чорак асрдан ортиқ давр мобайнида ишлаганман, бу соҳа учун мутахассис кадрлар тайёрлаш ишлари ҳисса қўшганман. Умр йўлдошим эса ё- мий сановати қорхонала- ридида турли лавозимларда қирқ йилдан ортиқ меҳнат қилганлар. Фар- задларимиз ҳам шу соҳани танлашган. Шу- нинг учун ўзаро масла- ҳатлашиб, озик-овқат сановатининг ўзимизга яқин, ўзимиз билладиган, маълум даражада хабари- миз тармоғига қўл уришга аҳд қилдик. Шу тариха гематоген ишлаб чиқарувчи қорхона барпо этишга тўхтадик. Бунда биз, албатта, бу қондо- рининг аҳамияти муҳим- лигини, айниқса, у бизнинг маъмулиятка эришган маъмулиятимиз учун ниҳоятда зарурлиги- ни ҳисобга олдик.

Махсулотимизнинг бошқа муҳим тарихий қисми ҳисобланган қўлтирилган сут, альбумининг хориждан келтириш йўлга қўйилди. Уларни Белорусия ва Киргизистондан ола бошла- дик. Хом ашё захираси манбалари аниқ бўлма- га, улар билан шартнома асосида ишлаб, махсулот тайёрлашни қўлайтиришга киришдик. Унинг ҳажми ой сайин ортиб борди. Бирги- на ўтган йили республика- миз дорихоналарига 2 миллион дона гематоген етказиб берилди. Жорий йилда унинг ҳажмини 3 миллионгагача оширишни режалаштирганмиз. Белги-

ҳаракатда бўлган тадбир- корлар ҳар томонлама рағбатлантирилипти ва шундай қилиб-куватланмоқда. Бу соҳадаги тажрибангиз ҳақида гапириб берсан- гиз.

— Ишлаб чиқаришни маҳаллийлаштиришга гап кўп. Ҳаётнинг ўзи бунди кўрсатиб турпти ва шундай талабни қўймоқда. Бунинг учун ўзимизда мавжуд бўлган имкониятлардан оқилона фойдаланиш мақсади билан яшаш керак. Бу соҳада чет элларга қарам бўлган тадбиркорлик тузилмалари иқтисодий қийин аҳволга тушиб қол- япти.

«ЗУККО»НИНГ ЗУЖКОЛИГИ

— Жамиятда махсулот ишлаб чиқариш ҳажмининг ошириш йўлидаги савий- ҳаракатлар, уларнинг амалий натижаларини ҳақида тўхталангиз.

— Гематоген ишлаб чиқаришни беш нафар ишчи-хизматчи билан бошлаган эдик. Бунинг учун зарур хом ашёлар таъмино- ланишга кўришга киришдик. Бунинг учун беш муҳандис- симиэ Белорусиядаги гематоген ишлаб чиқарувчи қорхонада сафарда бўлиб, фойдаланилаётган барча асбоб-ускуналарнинг кон- структив лойиҳаларини ўрган- га ва шу асосда чизмалар тайёрлаб келди. Ҳозир тузилмамизда ишлаб турган барча асбоб-ускуналар шу йўл билан яратилган. Улар учун ахтиёт қисмлар ҳам шу ерда ясалмоқда. Очиги, дастлабки вақтларда бошла-

ланган ишлаб чиқариш дастурига мувофиқ 2005 йилга бориб у 5 миллион- тага боради. Бунга эри- шилиши учун моддий-техник томонлари аниқ ишлаб чиқилди.

— Ишлаб чиқариш учун зарур бўлган хом ашё- ларнинг айрим турларини хориждан келтириш тадбиркорлар учун қатта ташвиш туғдирмоқда. Унинг машаққат, овора- гарчилиги кўп. Сиз раҳбарлик қилаётган қорхонада бу масала муваффақиятли ҳал этилибди. Бу қатта ютуқ. Мамлакатимизда тадбир- корлик тузилмаларининг ишлаб чиқаришни маҳал- лийлаштириш, яъни асосан маҳаллий хом ашёлар асосида ишлаши- га эришишга қатта эъти- бор берилмоқда. Шундай

тиллар, хатто ўз фаолиятла- рини тўхтатмоқда. Биз ҳам дастлабки йилларда гематогеннинг айрим муҳим компонентла- рини яқин хорижий мамла- катлардан келтиришга мажбур бўлдик. Чунки улар бизда ишлаб чиқарилмас эди. Бу ҳолнинг узоқ давом этиши мумкин эмасди. Бир кун эмас, бир кун бизга панд бериб қўйиши турган гап эди. Бунинг учун валюта керак бўлар, боз устига жуда қимматга тушарди. Махсулотларимиз таннархи ва баҳоси юқори бўлиб кетарди. Шунинг учун ундан холи бўлишга имконият излай бошладик. Қўлтирилган сут, альбу- минини ўзимизда тайёрлаш- ни ўзлаштиришни афзал қўрдик. Шарҳ, сут ва қон қаби хом ашёлар бу ерда ҳам бор эди. Фақат уларни

Баҳор ХИДИРОВА ўз муҳбири.

Шеъримиз

ДУНЁ ҚЎШИҚЛА-РИН АВЖИСАН

Йилгасам, кўз ёшим йўлингни ювса,
Кипригим пойиндан ғуборни қувса,
Дард чексанг, жон дилим малҳаминг бўлса,
Сен фақат яшсанг бўлгани, Ватан!

Кўтарсам, обрўйинг кўкларга етса,
Кўк надир, довруғинг оламни тутса.
Ғанимлар етолмай, нафасин ютса,
Сен фақат яшсанг бўлгани, Ватан!

Дунё қўшиқларин авжисан ўзинг,
Тубсиз уммонларнинг мавжисан ўзинг,
Энг азим тоғларинг тожисан ўзинг,
Сен фақат яшсанг бўлгани, Ватан!

Фарзандлар бағрингда топаркан камол,
Догингни кўрмайлик, кўрмагин завол,
Замининг дастурхон, насибанг ҳалол,
Сен фақат яшсанг бўлгани, Ватан!

Бир дунё хазинам, борисан танҳо,
Бир эмас, минг қўёш нурисан танҳо,
Тойирхон каломин дурсан танҳо,
Сен фақат яшсанг бўлгани, Ватан!

Тойирхон МАНСУРОВ.
Чиноз.

МЕН БОЛАНГМАН

Юртим бор деб кўкрагимга урсам мен,
Жаннат элда давру-даврон сурсам мен,
Ташвинингдан бир чеккада турсам мен —
Болангман деб айтолмасман, Ватаним.

Болаларга кўксим қалқон қилмасам,
Апомишдай ёени талқон қилмасам,
Ҳар қўғонинг ўз уйимдай билмасам —
Болангман деб айтолмасман, Ватаним.

Агар суйсам фақат гулшан-боғларинг,
Донишлардай сарбаланд ул тоғларинг,
Кувонсаму бахтли-шодон чоғларинг —
Болангман деб айтолмасман, Ватаним.

Жон Ватаним, мангуликка омон бўл,
Етти иқлим аро турфа чаман бўл,
Турсунали, сен ҳам муҳаббатга тўл,
Асло четда, бил, қолмасман, Ватаним!

Турсунали ЖУМАНОВ.

ҚЎШНИЛАРИМ

Бордир кўлаб дўст-қардошим,
Ака-ука қариндошим.
Ҳаммасидан турар улғу,
Ҳар бир ишда елкадошим, —
Ён қўшни, жон қўшниларим,

Девормиён қўшниларим.
Бола-чақам соғ-саломат,
Менга ёрдир бахту омад.
Елчиғанман қўшнилардан,
Ҳаққа айтгум шукр фақат,
Ён қўшни, жон қўшниларим,
Йўқдир ёмон қўшниларим.

Бошимга тушса бир ғам,
Ушалардир ҳамдард, ҳамдам.
Бору йўғим улар билан
Тўлиқ менга бир кам олам,
Ён қўшни, жон қўшниларим,
Дардга дармон қўшниларим.

Туй-ҳашамим эгалари,
Кам-кўстимнинг чегалари,
Қай беридир отадайн,
Яна ука, акаларим,
Ён қўшни, жон қўшниларим,
Дўст-қардон қўшниларим.

Дилларидан кир тополмам,
Ғараз, араз, кин тополмам.
Йўқлаб келса меҳмонлари
Бор-йўғини кўрар баҳам,
Ён қўшни, жон қўшниларим,
Хўп меҳрибон қўшниларим.

Ёмонимни яширишар,
Яхшилигим оширишар,
Ҳар кунни бир ҳолим сўраб,
Ушиғимдан бош суқширар,
Ён қўшни, жон қўшниларим,
Бўлсин омон қўшниларим.

Собир ОЛИМЖОН.



НА РУҲИ (қатра)

Субҳи содиқда йўл ёқасидаги тутнинг атрофига қишлоқ аёллари тўпланишади. Улар сут солинган пакирларни худди аскарлардек саф тортириб қўйиб, туман марказидан келадиган машинани пойлашганча, гурунларини бошлаб юборишади. Аёлларга қўшилмай бир чеккада мунгайиб ўтирадиган Рустам эса, бангадаги сутни қўйнига тикиб, чопони билан яширганча сут олувчини кутади. Ростининг шу арзиманган сутни топширишга тоби йўқ. Бироқ, пул деса ўзини томдан ташлайди-кан, қисирсоғди говмушдан ситиб олган арзиманган оқининг қарийб тенг ярмига эсу қўшиб берадиган ўғай онасини гиди-бидидан қочиб келади-бу ерга. Сут олувчи ҳам Рустам олиб келган суяқ сутни зўрга олади. Олмасди-ю, юпун усти-бошта дилдираб турган болага раҳми келса керак, унга индамай пул санаб беради. Ана шу тобда усмиринг мурғаккина юраги бир зиркираб кетади. Унинг бу ерга келишининг яна бир сабаби бор. Шу боис ҳам бола мана шу тут атрофини ҳар тонгда таовф қилишга тайёр...

Бундан уч-тўрт йил муқаддам, Рустамдан бахтиёр бола йўқ эди. дунёда. Отаси топармон-тутармон, удли-шудли инсон эди. Оқила онаси Раҳимахон рўзгорни ораста тутарди. Фарзандлари маҳаллада энг дур-қун, ҳаммининг ҳаваси келадиган болалар эди. Уша кезларда кимнинг хонадонидан янги фарзанд дунёга келса, унинг қулоғига азон айтган қария, «Илоҳо, Содиқжон билан Раҳимахоннинг болаларига ухшагин» деб ният қиларди.

Қунларнинг бирида нима бўлдию, супрасидан ун аримадиган Раҳимахон эрта-лада уйда нон тугаганини боис, гузарга отланди. Яхшиям, нон дўкони сотувчиси ишга барвақт келди. Қўшнлардан икки-та нон илиниб турса ҳам бўлардию орият-

ли аёл бунга истиҳола қилди.

Раҳимахон дўкондан чиқаётганда, пештахта устидаги соатнинг миллари еттига яқинлашиб қолганди. Шошиб-пишиб келган аёл дўкон қаршисидаги йўл ёқасида салобат тўқиб турган тутнинг олдида негадир тўхтади. Йўлни кесиб ўтишга шошилмай, бироз тарадудланди тўрди.

Ичкарида юмушини саранжомлаб бўлган сотувчи Раҳимахоннинг тўхтаб қолганидан ажабланди. Тинчликми?! Энди унинг ортидан чиқмоқчи эди, шу топда аёл йўлни кесиб ўта бошлади. Бироқ у бунга улгурмади. Воқеа шунчалик қисқа фурсатда юз бердики, дўкон деразасидан қараб турган сотувчи энгил машинанинг Раҳимахонга яқинлашиб қолганини кўрдию, дахшатдан қўчиб, кўзларини чирт юлди...

Раҳимахоннинг вафотидан сўнғ, уйдан фаёз-баракат кўтарилди. Болаларнинг хархашаси, етишмовчилик, ёлғизлик Содиқнинг эсанқиратиб қўйди. У анди ишга вақтида боролмас, рўзгордан ортиб бирор тиркичилик ҳам қилолмасди. Биноидек одамнинг ичкиликка берилиб кетишидан саросимага тушган ақинлари уни турмушдан ажраб қолган бева — Баҳрига уйлантириб қўйишди. Бироқ бу билан вазиёт кескинлашса кескинлашдики, энгиллашди. Раҳимахон аёл эрининг ҳам, ўғай болаларининг ҳам шўри бўлди.

Сут олувчи машина ўрнидан қўзғалиб, аёллар тарқашгандан кейин ҳам Рустам кўпична тутнинг олдида узоқ туриб қолади. Гўё онасининг руҳи ана шу тут танасига сингиб кетгандек туюлади, унга. Дарахнинг шохлари гарчи дағал бўлсада, унинг кўзига худди онасининг майин қўлларидек кўринади. Энгил шабадада аста чайқалган япроқлари эса, унинг бошини силаш учун талпинаётгандай бўлаверди...

Усмон БЕК.

МУКОФОТЛАР ТОПШИРИЛДИ


«Камолот» ёшлар ижтимоий ҳаракати Марказий кенгашида Зулфия номидаги давлат мукофоти совриндорларини тақдирлаш маросими ўтказилди.

Тадбирни ўтказишдан мақсад турли йўналишларда тенгдошларига ўрналган бўлаётган лобар қизларнинг меҳнатларини қадрлаш, ёш бўлсаларда илм-фан ва ижодда барақати фаолият кўрсатаётган ёшларни рағбатлантиришдан иборат, — деди «Камолот» ёшлар ижтимоий ҳаракати Марказий кенгаши раиси Ботир Убайдуллаев.

Мукофот соҳибдорлари маънавият ва маърифат маркази ҳузуридаги Маънавий-маърифий тарғибот маркази тадбирлари доирасида ташкил этилган мазкур йилгиликда мутахассислар, мактабгача тарбия ва умумтаълим муассасалари раҳбарлари иштирок этди.

Анжуманда ёшлар маънавиятини янада юксалтириш ва уларни миллий истиқлол ғоялари руҳида тарбиялашга бағишланган маърузалар тингланди.

УЗА.



— Қани телефон қилиб кўрай-чи, Дадажоним келадиларми? Яна битта сўрай-чи — «Оҳ-оҳ» олиб берадиларми?!
Даврон АҲМАД олган сурат-лавҳа.

Ёшлар ва маънавият

Абдулла Авлоний номидаги халқ таълими ходимларининг малакасини ошириш институтида ёшлар маънавиятини юксалтириш масалаларига бағишланган анжуман бўлиб ўтди.


Республика "Маънавият ва маърифат" маркази ҳузуридаги Маънавий-маърифий тарғибот маркази тадбирлари доирасида ташкил этилган мазкур йилгиликда мутахассислар, мактабгача тарбия ва умумтаълим муассасалари раҳбарлари иштирок этди.

Анжуманда ёшлар маънавиятини янада юксалтириш ва уларни миллий истиқлол ғоялари руҳида тарбиялашга бағишланган маърузалар тингланди.

УЗА.

Бўш вақтларингизда

СИРДАРЁНИНГ ЎНГ ИРМОҒИ



БҮЙИГА: 1. Утмишда Урта Осиёнинг баъзи шаҳарларидаги йирик савдо марказлари. 2. Концерт ҳақида олдиндан тарқатиладиган эълон. 3. Африканинг тропик ўрмонларида яшовчи одамсимон маймулар. 4. Мустақил сўз ёки гапга турли қўшимча маъно бериш

учун хизмат қиладиган ёрдамчи сўз. 5. Ўзбек видеофильми. 6. Жанубий-Шарқий Осиёдаги давлат. 12. Беш фарз амалларидан бири. 13. Сўзнинг туб маъносини билдирадиган, қўшимча олмаган қисми. 14. Юқори, баланд. 17. Усимлик мойи. 18. Сирдарёнинг ўнг ирмоғи. 21. «Мирзо Улуғбек» пьесаси муаллифи. 22. Яқин қариндош: отанинг олмаси ёки синглиси. 23. Бириктирувчи боғловчи. 24. Овда қўлга киритиладиган нарсас. 25. Қорақалпоғистондаги шаҳар. 28. Инсондан бошқа жониворлар. 29. Англия ва Америкада «жаноб» маъносига қўлланадиган сўз. 32. Секунд. 34. Кичик Осиёнинг шимоли-ғарбидаги қадимий шаҳар.

ЭНИГА: 7. Хашарот. 8. Покистондаги Ҳиндикуш тоғларининг энг баланд чўққиси. 9. Хушовоз хонанда... Махкамов. 10. Фарбий Европадаги дарё. 11. Чуқур ўрганилмаган, энгил-елли. 14. Қулоқ, томоқ олди безининг ялиғланиши, юқули болалар касаллиги. 15. Тошкент-Душанбе автомобил йўли ўтган Хисор тизмасидаги доvon. 16. Урта Осиё хонликларида қишлоқ ёки маҳалла оқсоқоли. 18. Тешик-тешик япалоқ кафтли рўзгор буюми. 19. Сўз туркуми. 20. Кир ювиш воситаси. 26. Кўпична бармоқда суюқни ёриб чиқадиган ёмон яра. 27. Уммонда давлат бошлиғи. 28. Спорт мусобақасини бошқарувчи. 30. Қалбаки. 31. Кўрсатиш олмоши. 32. Айланши, кезиш. 33. «...кийимнинг исмиги йўқ» (мақол). 35. Канаданинг жануби-ғарбидаги йирик шаҳар. 36. Нафас йўлининг юқори қисми.

Тузувчи: Акрамжон ХҲЖАМОВ.

«СПОРТ» * «СПОРТ» * «СПОРТ» * «СПОРТ»

«Дўстлик» ўйинни бой берди

Вилоятимизнинг «Дўстлик» жамоаси ўтган мавсумда 2001-2002 йилги Ўзбекистон кубоги баҳсларининг навбатдаги bosқичида пойтахтнинг «Пахтакор» жамоаси билан баҳс юритиши керак эди.

Лекин баъзи сабабларга кўра учрашув ўтказилмади. Кечиктирилган ўйин Ангрэн шаҳрида бўлиб ўтди. Дастлабки дақиқаларда химоячилар ҳатидан фойдаланган пахтакорчи Леонид Кошелев майдон эгалари дарвозасини ишғол қилиб, ҳисобни очигаша муваффақ бўлди. Дўстликчилар дарҳол қарши ҳужум уюштирдилар. Егор Гладков ҳисобни тенглаштирди. Пахтакорчи Андрей Власичев эса, 36-дақиқада ҳисобни 2:1га етказди. Танаффусдан сўнғ эса, ҳисобни 3:1га етказди. Учин охиригача ҳар икки жамоанинг ҳаракатлари зое кетди. Жабов учрашуви 27 март куни «Пахтакор» ўйингоҳида ўтказилди.

Талъат ЮСУПОВ.

Шунчаки синов

ЎЗ ХИСЛАТЛАРИНГИЗНИ БИЛАСИЗМИ?

Ҳар бир инсон ўз хислатларини билишга қизқади ва шу орқали камчилик ва нуқсонларини тўғрилаб олишга ҳаракат қилади.

Қуйидаги тест саволлари сизга ҳам ёрдам бериб ажаб эмас. Берилган саволларга жавоблар ҳам ёнма-ён қўйилган бўлиб, ўз фикрингизга мосини танлаб, охиридаги қалитдан хулосалар чиқариб олишингиз мумкин.

1. Сиз аччиқ овқатни яхши кўрасизми? Ҳа — 4 балл. Йўқ — 1 балл.
2. Ҳар қандай мавзуда суҳбатлаша оласизми? Ҳа — 3 балл. Йўқ — 2 балл.
3. Рақсга тушишни яхши кўрасизми? Ҳа — 1 балл. Йўқ — 3 балл.
4. Сиз жамоанинг юраги бўлганмисиз? Ҳа — 1 балл. Йўқ — 3 балл.
5. Суюнгангиздан осмонга сакрагингиз келадими? Ҳа — 4 балл. Йўқ — 2 балл.
6. Баъзида бел оғриғи Бесовта қилиб турадими? Ҳа — 1 балл. Йўқ — 2 балл.
7. Тиш тозалагининг юмшоғини ёқтира-сизми ёки қаттиғини? Юмшоғини — 1 балл. Қаттиғини — 3 балл.
8. Саргарошга бормасдан сочи қандай тартибга келтиришни биласизми? Ҳа — 3 балл. Йўқ — 1 балл.
9. Кроссвордларни яхши кўрасизми? Ҳа — 1 балл. Йўқ — 4 балл.
10. Сизда ишонсизлик туйғуси борми? Ҳа — 1 балл. Йўқ — 4 балл.
11. Кеч уйкуга ётишингиз соғлигингизга таъсир кўрсатадими? Ҳа — 4 балл. Йўқ — 1 балл.

Энди натижаларга қарангчи, балки сизнинг хислатларингиз қуйидаги жавобларда муҳасаммадир.

20 баллгача. Табиатан сиз нозик инсонсиз. Кўпична тинчликни хуш кўрасиз. Сиз яхши дўст бўлишингиз мумкин. Аммо сизни кўпчилик ҳаммининг жонига тегувчи киши деб билади.

21-25 баллгача. Сиз тақдирнинг ҳукмига ишонувчан ва унга қўнқувчан инсонсиз. Танишларингизнинг хайрихоҳлигига доимо муҳтожсиз ва уларнинг гапига тез ишонасиз.

26 баллдан юқориси. Сиз меърий хислатларга эгасиз. Ҳиссиётларни бошқара оладиган, кишиларнинг орзу-умидлари, эҳтиёжларини тўғри баҳолай оладиган инсонсиз.

Бекажон

ТУХУМ ПЎЧОҒИНИ ТАШЛАМАНГ

- Гулли клеёнкадан қилинган дастурхонингизни бир чой қошиқ ўсимлик мойига шунча микдордаги сирка қўшилган аралашма билан артиб турсангиз, дастурхон асло чиройини йўқотмайди.
- Резина ўйинчоқларни крахмаб сеиб, юмшоқ мато билан оҳиста тозаласангиз, яна янгидек бўлиб қолади.
- Тухум пўчоғини ташлаб юборманг, уни ховончада майдалаб, сувга аралаштириб, гултувакларга қўйсангиз, ўғит ўрнини босади.
- Мебелни у ёқ-бу ёққа сурганда, унинг оёқлари полни қириб юбормаслиги учун, эски драп ва чармардан қоплама — таглик ясаб, ёпиштириб қўйинг.

Матлуба МАҲМУДУХҲАЕВА тайёрлади.

Бўқизик Муз ичида беш юз йил

Чилининг Сант-Яго шаҳридаги музейда кўпчиликнинг эътиборини қозонган ажайиб бир экспонат қўйилган. Бу ерда ичида одам қотиб қолган катта муз тобут сақланади.

Бу тобут бундан ярим асрча илгари топилган эди. 1954 йилнинг февраль ойида бир гуруҳ алпинистлар Чилидаги Серро Пайнал тоғининг денгиз сатҳидан 5 километр баландликдаги қорли чўққисига чиқиб, тунда пастга қайтиш имкониятлари бўлмаш ш ерда тунамоқчи бўлишган. Улар ҳодир куриш учун музни ёраётганларидан темир болгага газлама илшган. Синчиклаб қарашганда музнинг ичида бир нарсани кўришган. Алпинистлар музни авайлаб ўйганларидан хайратда қолишган. Муз ичида хинд плашига ўралган чамаси 12 ёшлардаги бола тумшайиб ўтирарди.

Тиббиёт текширувлари бу воқеа бундан 500 йил илгари содир бўлганлигидан далолат берди. Бола ҳозир ҳам муз ичида худди тирик тургандек кўринади, муз тобут музейда экспонат сифатида сақланмоқда.

1993 йил 20 январда Маруса Нурмухамедовага берилган 09-02/2992 рақамли уйга эгалик ҳуқуқи ҳақидаги давлат ордери йўқолганлиги сабабли БЕКОР ҚИЛИНАДИ.

ТОШКЕНТ ҲАҚИҚАТИ Муассиси: ТОШКЕНТ ВИЛОЯТИ ҲОКИМЛИГИ

Бош муҳаррир Фатҳиддин МУҲИДДИНОВ

Шлефонлар: Хатлар ва оммавий ишлар бўлими: 133-40-48. Эълонлар: 133-40-48, 136-56-29.

Матбуат: 700000, Тошкент шаҳри, Матбуотчилар кўчаси, 32.

Ўзбекистон Республикаси Давлат матбуот қўмитасида 8 рақам билан рўйхатга олинган.

Газета «Тошкент ҳақиқати» таҳририяти компьютер марказида терилди ва сақланган.

• Эълон ва билдирувлардаги факт ҳамда далилларнинг тўғрилиги учун реклама ва эълон берувчилар масъулдир.